

鶴泉文鈔續選

鶴泉文鈔續選卷六

太平戚學標鶴泉著

安肅張灼柳洲訂

杜澣傳

杜澣字貴卿號梅壑黃巖人少傅範從孫生宋末忼慨爲俠遊奮然有以身殉國志德祐元年詔勤王澣合得四千人無所附會文相國天祥開闔平江見之西湖上遂決計從焉相國之使北也計出賈餘慶而其客陳志道贊之行澣力言若輩不利公所爲驅使陷敵敵虎狼也入必無還理持之再四已而相國被留客多亡去獨澣與李成呂武

數人從於道。與相國謀脫歸。抵鎮江。百姓無一船可問。適同行余元慶。遇一故舊。遂密叩之。許銀千。其人曰。吾爲宋救得丞相回。建大功業。何以銀爲業。得船將謀遁。而故所與狎老校。忽醉中變事。幾敗。澣疾呼老校。閉之帳。俟醒以銀三百星。係其腰。遂俾先踏路。而千戶王某監相國。無須臾離。相國至沈頤家。彼亦同臥起。乃謀醉之。伺其寢熟。啟門出。又是夜。有劉百戶者。至澣。聞有官鐙提照往來。從便語。佯與好。拉飲妓舍。俾劉宿。而已竊其鐙以歸。於是相國變服出巷。無呵問者。旣下船。至七里江。幾爲邏者所獲。忽有聲如人。哨齒甚清麗。舟子拜禱曰。江南田相公也。卽得

順風同行皆相慶。時景炎元年丙子二月二十九日也。既脫相國於險。至眞州。將依李庭芝集事。而李方信潰卒言。欲捕相國。濟憤極。至投壕以救免。謂制臣不信我。不如趨高郵。通州渡海歸江南。見二王。伸報國之志。徒死城下。無益。相國從之一樵人導往高沙。且行迷失道。霧中隱隱見北騎二十餘。相國匿竹林。幸免。而濟及金應皆被獲。又以賄得脫。蓋濱危者屢。而後從海道間行。達永嘉。相國所謂匍匐。淮甸護衛艱虞。忠勞備盡。又謂貴卿與予同患。難自二月晦至今。無日不與死鄰。平生交遊。何在貴卿。眞吾異姓兄弟也。益王卽位。濟佐府南劔州。尋遣往溫台。招集兵。

財福安陷。與相國相失。趨行朝。蘇劉義疑其自來。欲殺之。賴陳宜中張世傑爲監護。久之命復入相國幕。空坑之敗。又與跋涉。患難者年餘。相國移屯潮州。許議趨海道。相國不聽。使護海舟。至官富場。懼力單。徑趨厓山。兵潰陷焉。未幾。相國亦被執。許在網羅中。無所容力。憂悴無復人形。猶力疾於五羊城。一見相國而卒。其生死願相依如此。許始嘗宰縣。繼奉朝旨。改宣敎郎。除禮兵架閣文字。益王時。晉司農卿。廣東提舉。招討副使。督府謀官。又奏帶行軍器監。廣東招諭副使。兼同都督府參謀官。蓋國之臣。始終以忠義相輔。非相國門下士也。余惜宋史及郡邑紀載不詳。據

相國指南錄參以所見各書爲之傳。

表彰卓行足傳不朽敘事瑣屑周密善學孟堅

徐厚田

孝義趙君傳

汜水有篤行君子趙君養浩。自其祖父累世尙義。至君行之益力。遠近聞其名。郡邑累獎。大吏至以其行聞於朝。身後入孝義祠。所以致此。非偶然矣。君父先娶於王。無子。繼娶康氏。舉君時。父已將週甲。膝下鍾愛。折蓼未嘗加。顧自少老成。稟父母教。屹然有巨人之志。母病侍湯藥。終夜不離側。至終不起。勉進饘粥。安老父心。苦塊間私泣。目盡腫。父沒。廬墓側三年。常如孺子慕。卽家奉主。出入必告。謂吾先人事。事可法。庭訓在耳。敢有失墜。庶母王無出禮。敬終其身。家故有義廩。茶亭。濟貧乏行旅。君又推先志。爲

書屋數十楹貯經史其中延名師教鄉子弟膏火供具無  
缺率月二課第甲乙入村輒聞讀書聲里人艱醫藥施丸  
劑歲費數十百金多所存活亡者或資君以葬己亥丙午  
兩遇歲饑減價糶并首倡捐賑頌聲徧邑境已無德色曰  
吾先人遺命及之不敢忘可謂善歸其親矣始君應童試  
有名繼以舉業文多浮薄棄去手錄經書皆古聖賢格言  
有益身心可驗之施行者每出以巾箱自隨終太學生視  
科名蔑如也又少習弓馬善彈似陳音飛中百步外以春  
日彈雀父嘗戒諭止不爲偶夜行徑滎澤菴蒲中突人出  
行劫彈之中足仆地卧君下馬掖之曰起起饑寒事小耳



奈何作無賴賊。設遇他人斃矣。賊泣請改過。探囊中錢四百。與之後十餘年。有草笠過君家。置錢拜而去者。卽前所賞賊。雖知其姓名。終身不言其陰德。如此年不及中壽。平生篤行卓然。人謂不減太邱。論者并推及先德。稱爲孝義。趙君昔人有言。士君子生有聞于時。歿而可祭于社者。君非其人。與以遺事錄。崔秀才旣詳其爲人也。節其大概而爲之傳。

平平敘去後幅。忽作異波事。奇文與俱奇。  
朱春泉

蔣雲川傳略

雲川。蔣君湘之別號。其字若海。世籍臨海。父醒軒先生。以幕遊。無定所。君少在杭。從武林趙先生學。還台。又從沐雲秦先生於黃巖之江田。既有師授。加質異敏。應童子試。府第一。院試被落。次年府試仍第一。自是與諸生較藝。連居首。秋闈累呈薦。顧不一售。用功倍日夜。入深識者。愈希。試轉不如前。喟然曰。榮名不可強致。知己難以必得。抱玉入市而褐之。夫不睨頭。顧如許。不能逐逐名場。爲宋五再坦率也。決意罷舉。久之。用歲資貢。始君出授經。以規律嚴善講解。學舍常滿。後悉謝去。或怪之。君言向艱衣食。不已。仗

康成車下塵垢囊爲救急計。今差足。豈可尚據此席爲棧馬之戀。妨同輩塗轍。君謂我真有德業。足爲鄉祭酒。耶論者是之。待兄甚厚。雖已分煙如一家。行義若天性。記所知二事。一爲其同學朱貽音卒後。室罄如喪。不能舉妻女。無所倚。君與其友許健山爲棺殮入土。分日送錢米。膳其妻終身。遺孤竝使得所。一其族之先某公起行陣。以復臺灣功。累官至提督。世襲一等輕車都尉。後絕懸襲者久之。君訪得近支一人。名樞。應襲其人。方貧無俚。拔之泥塗。爲三沐而三釐之。請於當事。世職以復。樞又旋死。無後。聞提督兄弟居金華者。後尚有人爲書招之來。有異派者起爭襲。

謂君舍近而遠求。率婦女講於門。君屹然不爲動。卒定名。燉者襲燉亦貧。在轅學習入都。陛見費皆君資之。每言此舉爲族先功德。計非有所私市恩圖異日報也。君旣以信行聞。又明識時務。能據法斷曲直。於是遠近有不決事。咸來取質。謝之不得。謝日將晨。輒有人叩君門伏地求者。君曰。吾欲避囂而囂乃不吾避。且奈之何哉。然聞漢卓茂嘗語人曰。凡人之生。屏居雜處。故有經紀禮義以相交。接。汝獨不欲修之。寧能高飛遠走不在人間耶。居鄉里之間。爲人排紛難。亦吾徒分內事。不然。曾子不當爲人謀。顏子亦安所得勞而伐之也。願君有德於人。終不受謁謝。以故。

人益重君如修府學歲祿設法和糴必得君主之郡大夫  
縣公數至門訪得失擇言而對逾日往報謝卽歸未嘗身  
一入署也同姓鯉山者與君少齊名有兩蔣之稱鯉山捷  
去君始終不得志宦海不測鯉山卒身受累君宴然里居  
無恙時人語曰兩槩爭搖一槩高一槩牢蓋以喻鯉山與  
君云與健山相倚如手足無一刻離卒得其兄弟力以君  
勤儉所積爲代經畫舉倍稱息家用以裕市屋東門外余  
與君交五十餘年數得其箴規之益以余官中州久拓令  
歸曰凡事適可而止昔人有言過是欲遂少味矣何戀戀  
不決爲繼又書促曰行年將七十矣再不決則吾見君之

出。不。見。君。之。入。也。且。輿。櫬。而。返。與。衣。錦。而。還。孰。得。孰。失。耶。  
其。言。絕。痛。余。深。感。之。已。已。還。里。握。手。歡。然。方。相。約。爲。香。山。  
洛。社。之。會。而。君。乃。溘。然。逝。悲。夫。君。行。事。如。古。人。今。上。初。  
詔。州。縣。舉。孝。廉。方。正。衆。謀。以。君。應。君。力。辭。而。止。不。可。使。泯。  
然。於。後。追。憶。生。平。爲。之。傳。惜。未。能。詳。云。

奇氣勃勃文與人稱

牟蔚文

林樸齋傳

君諱喬豐。字聖瑞。號樸齋。系出閩莆田。自溫徙台。族大而  
夥。轉徙不一處。其一支遷泉溪者。君高曾行也。食德服疇。  
潛光弗耀。至君父蒼亭公。而泉溪之林始顯。及君以讀書  
起家。則益大顯。同產四人。君行三。幼沉默寡言笑。惟嗜書。  
若性命。師同邑周鏡初先生。得其言易中庸宗旨。又從山  
陰俞孝廉其淵學。聞見日富。爲文根柢經史。沉浸濃郁。同  
輩皆自謂不及。年二十。補弟子員。試常優等。顧恒抑然未  
嘗少矜詡。家居無事。與弟兄輩釀酒論文。怡怡友愛。雖承  
蒼亭公厚資。愛古好素。無紛華之慕。門庭雍睦。出入有規。

度漢萬石明義門鄭氏不能過也。中年家益隆起。常以其  
有餘者。周鄰里。缺乏稱貸。量多寡。無不應里。無賴或以細  
事登門。詬爲好言。慰安不與較。其人自批其頰去。所居臨  
縣朝門。洵洵如市。君掩處一室。意泊如也。然遇義舉。毅然  
以身任。嘉慶二年。歲荒歉。斗米錢四百人。至搶奪。君傾穀  
若干石。并糾藏穀家。出所貯。置公所。減價糶。又請于官。借  
常儲賑卹。邑中遂安。文廟久圯。基復鄰下窪。君建議重  
修。高五尺。計費鉅萬。捐資爲倡。未曙卽身在工。所至晚同  
事盡歸。君猶畱指畫。雖甚飢。未嘗用公費一錢。以公勤益  
爲人信服。工未竣。而君猶子某。卽與里人陳某同登鄉薦。



時以爲美談。子弟多人。無少長。盡法君行事。又皆經君講授。有名譽。序間。壬戌秋。偶得疾。失療。遂至篤。卒年六十二。時貢成均。幾十年矣。余幼與君同筆硯。心推重君。又慕君持身行事之有法。約略詮次。俾後有傳焉。

畫出一讀書敦行長者觀。史公傳萬石張叔固不在。有他異能也。沈肄三

李烈婦傳畧

烈婦李氏。太學生圖南次女。劉生濤之配也。李爲林縣著姓。自太學生四世祖雲南副使下。或仕或隱。代有名德。門庭整肅。婦女嫻其教。內外無嬉笑聲。烈婦早喪母。依太學生。婉婉聽從。口授曹世叔妻女誡。聞叔外祖董君言古樊衛二姬之行。心益慕之。林俗早婚。嫁烈婦甫釋母服。劉諏吉。具百兩迎父。以幼再三辭不獲。烈婦行時。猶童女子也。而婦道備焉。事祖老姑。則念祖老姑之耄而失明。起動親扶掖。甘旨數請所欲。或間爲色笑。博其歡事。姑則念姑之勞而勤於家政。遇事必身先。朝夕侍側。若女之依其母事。

庶姑則念庶姑之謙而下於嫡有所須爲緩言務得以慰安其心事夫則念夫之齒尙穉慮縱逸其志數勸之學伉儷甚篤而敬禮如賓其待夫之諸弟脩恩義臧獲婢妾交得其驩蓋一十五歲女子而鍾禮郝法不啻古名媛有婦如此咸謂劉宗之福矣甫二年而濤病濤體羸又學或逾度遂患瘵烈婦不離幃闥調護之憂愁辛苦數月間已非人色姑語烈婦兒病且緩調若皤然腹中物係至重幸自保勿先委頓重吾憂烈婦泣鎮之而已彌月生女又五日濤卒烈婦長號而絕旣稍出聲曰兒憂兒夫之不起冀如李當戶有遺腹子延一線生女已無望而所天溘然逝是

天之毒。余生何爲姑痛子之亡。又懼烈婦之以身殉也。令家人守之。烈婦乃強饘粥乳女弟漢昇來視姊。烈婦與語。如平時。惟遺一篋。曰：此內嫁時衣。多慈母手中線。留此無用。持歸。眎阿翁他日一念我否。卽焚之母墓前。弟不喻其意。持去。旣終夫三七日。家人伺少懈。惟一媼常在側。語媼連夜夢夫來。以媼故不得近。盍稍避。媼信之。是夜烈婦卽自經。詰旦門闔女呱呱然啼。床上媼從隙窺見狀。奔告姑。排扉入。烈婦死矣。嘉慶八年十月十六日也。於時烈婦年十七耳。烈婦小字晴雲。彩雲易散。竟爲埋玉。讖然如烈婦之。以節死。可謂義薄雲天。不愧稱名矣。余兼理茲邑。士民具

烈婦狀來。求爲傳。此闡揚幽貞之事。爲勸厲風俗之大端。不可辭。因次而傳之。

閱至後幅。聲淚俱下。遣媼一段。尤得史公傳神妙筆。戴春塘

段太淑人傳

安肅張太封翁文濤公之德配。段太淑人。清苑名家女。父文瑛。康熙丙午舉人。由遵化州玉田教諭陞知山東海豐縣。母李太君。生太淑人。玉田署。父喜曰。女產此。他日亦當有雙璧聘也。稍長。聰慧。知書。舉止有禮。女紅事上手。卽工。太封翁。父農部公。聞其賢。爲子求爲婦。旣歸。奉親栗見。惟謹。諸事得尊嫜歡。夫婦間交愛亦交相敬也。太封翁從遂城遷入城。數往視其弟清止先生。以艱于嗣。見兩姪中。仲特少儁。攜歸。俾太淑人撫爲子。太淑人待之如親所生。旣壯。甚賢而勤于學。爲娶婦。有孫矣。而孫之母王多病。孫三。

歲。卽。在。祖。父。母。所。太。封。翁。歿。太。淑。人。恩。撫。倍。常。孫。母。卒。時。  
孫。僅。十。齡。心。益。憐。之。繼。媳。韓。至。太。淑。人。指。孫。語。之。曰。是。幼。  
隨。我。我。卵。而。翼。之。又。早。失。恃。推。燥。就。濕。不。忍。使。一。刻。離。側。  
而。公。亡。其。父。在。外。授。讀。每。夜。與。說。古。人。事。孫。曉。事。欣。然。聽。  
卽。我。亦。有。伴。履。襪。爾。理。料。餘。任。之。我。樂。此。不。爲。疲。也。故。孫。  
自。少。至。弱。冠。游。庠。猶。與。一。室。同。臥。起。性。習。勤。子。婦。屢。勸。節。  
勞。頤。養。然。猶。燈。夜。看。孫。讀。書。而。已。紡。績。伴。之。孫。讀。未。止。卽。  
已。紡。績。亦。不。止。每。語。孫。曰。吾。少。聞。汝。外。王。父。言。敬。姜。勞。則。  
思。善。逸。則。忘。善。之。訓。至。今。不。敢。忘。女。不。蠶。績。則。婦。職。廢。矣。  
男。不。讀。書。則。士。業。荒。矣。因。又。言。而。公。而。父。兩。世。皆。學。足。以。

顯。而。限。于。命。前。人。基。之。後。人。鑿。而。內。之。顯。揚。惟。孫。是。望。勉  
之。毋。負。我。所。以。教。爾。也。後。孫。奮。勵。成。進。士。官。戶。曹。乾。隆。乙  
巳。恭。遇。

覃。恩。侍。父。與。千。叟。宴。

御。賜。詩。杖。各。件。爲。祖。父。母。父。母。請。

封。典。備。極。

恩。榮。以。母。氏。早。喪。太。淑。人。鞠。養。期。望。深。恩。顧。不。及。一。見。每  
一。追。念。逮。養。不。能。烏。烏。未。報。之。情。淚。涔。涔。下。然。以。所。得  
詔。書。賜。物。拜。陳。墓。下。知。九。泉。爲。欣。慰。也。方。庚。寅。季。春。太。淑  
人。染。時。疾。勢。極。危。其。孫。見。父。母。皆。束手。容。甚。戚。益。不。知。所。



爲乘夜投城隍廟所奉瘟神跪禱時天雨昏黑廟門已扃  
排而入又冒雨歸交五鼓無一人知歸就床側恍惚見太  
淑人以手摸額曰誰以涼水沃我首視之則津津汗出頃  
之已就痊先孫左目眚暗於視喜劇忽轉明兩目如一咸  
詫爲異事已而左眚如故而太淑人亦于冬初感他疾竟  
不起矣太淑人子名式棗事太淑人孝學行爲人師遠近  
稱青溪先生終明經孫名灼今爲兩浙都轉運使太封翁  
與青溪先生並

封中憲大夫

例封中議大夫太淑人與兩媳

封恭人。

例。封。淑。人。學。標。辱。與。都。轉。同。年。數。聞。舉。李。令。伯。臣。非。祖。母。無。以。至。今。日。之。言。感。都。轉。之。孝。而。太。淑。人。之。賢。是。傳。所。以。作。

真情實事滿紙天性流溢讀之使人感動子孫先用暗敘後明點尤得立言之體

陳桂堂

吳孺人傳

雪川之陳爲浙西望。非獨其家男子讀書仕宦。有士君子風。婦女亦賢而知義。往往節孝著聞。遠近比於桓嫠家。以余所聞。吳孺人指爲首屈也。吳亦高門。世與陳崔盧親。孺人父通判。有賢稱。自幼教其女習女論語。蘭心玉質。視聽無陝。輸母氏。又授之。女紅。紫鳳天吳。能顛倒刺繡。東園陳翁耳其清淑。爲子蕙田求爲冢婦。未幾東園以進士謁選。得四川興文縣。馳書其配卞孺人。詎日爲子成禮。挈至任。卞姓嚴。臧獲少順意。獨新婦能得其歡。顏常爲霽。一切事代姑前。奉之惟謹。而以時勸夫蕙田學。東園翁之在蜀也。

守先世冰玉之清。又性樂託無貲省。周親請急。輒傾所有。子之服官數載。歸日至貧苦。無以自給。孺人時時出笥中衣典鬻。日供得無缺。雪川葬地難得。東園翁久外。兼窘於值。先世喪未及舉。資恨以歿。蕙田復稟命不融。相繼死。孺人年二十餘。息弱。舍停棺纍纍百年之好。永絕一身之責。方殷終日蓬首以淚洗面。至水漿不入口。卒能仗其十指。漏夜不輟。爲婦傭銖積寸累。市土爲墳。俾死者得安。泉下而於姑之遘疾也。謹伺不離牀側。始死。迨於終喪。盡哀盡慎。無一毫虧子婦禮。諸子就傅。蓄油素。每自塾歸。令習字。或時以在室時所讀書爲訓。解人謂韋逞母老猶能講授。

也。自始髮積四十年。夷險備歷。髮皤然。鄰曲敬之。謀合詞具。情爲請。旌孺人。則辭曰。婦人以節顯。非幸也。褒貞厲俗。煌煌。朝典當之者。孰能無愧。且人求自無愧。必以得旌爲榮。立節市名。非未亡人意也。其後親族卒爲請。孺人亡數年矣。三子其仲椿。早夭。楠及紳皆承母教。克樹立族。子曰嶸者。嘗述孺人節孝事甚悉。余得聞以此其人於陳氏中所稱有士君子風者。言可信。爲作吳孺人傳。

辭旌一節婦人中具絕大見識妙筆能傳之寫苦節亦淋漓盡致

陳扶雅

沈烈婦傳

余既爲陳君嶸族母。吳孺人傳其節。比聞君之世母沈孺人。又節而烈。益嘆爲難。得君言孺人。故明尚書諡恭靖公某裔孫女。在陳爲故大理卿先簡肅公某九世孫洪室。洪字又韓。嶸諸父行也。世父少孤。育於伯母王氏。暨叔鳴鑾。卵翼之。既長。娶於沈。世母于歸。年十七。以名門女。知書盡婦道。遇事先咨稟。闔門上下。俱得其歡。咸謂是好女子。非蘭形棘心者。伯母及叔鳴鑾相繼歿。喪之如親。翁媪。世父爲蒙師。歲得光學錢無幾。因旁習方診六徵。而術常不售。家日落。先世墓田糧多逋欠。伯格長追呼不時至。世母鬻

簪珥以償一切米鹽取給鍼黹一月計功得四十五日風雨不輟手指爲禿困苦之狀有人所不堪者門庭闐若始終未聞有怨尤聲年三十一生子女各一世父病卒倉卒無從得槨襚舍未具號哭目盡腫族人憐之爲合貲葬且念母子孤露饘粥無出不忍令坐困計數家分日贍養世母從孝幃出拜且泣曰未亡人失所天而以遺陳諸尊長憂所以不卽決者息弱恐失所以爲陳辱幸高義俯而收之先人之嗣有托未亡人死瞑目行自爲計不敢重以溷諸尊長也衆覺其言異慮或以身殉囑其母其寢食防之數日察舉止如常當無意外變一日晨起理髮日久不膏

沐頭蓬葆矣。母信其言。適鄰姬來。母出。踣閭。與語。頃之。還覓女。已不見。則乘間赴水死矣。乃大號。衆俱集。半浮半沉。出之。池中。視衷衣密密縫。蓋此心蓄之久。時嘉慶癸亥七月十三日。方溽暑。停尸。竟日。色如生。臭穢不泄。無一蠅之集。莫不異之。君親見言之。如是。嗚呼。孺人夫亡。有子女。不可以死。子女而有托。又不妨於死。一死而益以堅。族人分贍之心。是又適以身厚爲子女托也。而非陳宗之好義。亦安能若此哉。孺人死未久。鄉里爲請。旌坊表之。樹與吳孺人後。先輝映里門云。

用筆之妙。使人於紙上如聞其聲。如覩其形。烈婦爲不



死矣 鄒霞城

何太孺人傳

太孺人何氏。故山友羅太翁之配。同年澹石學博之母也。生詩禮家。有資性。爲女公子時。嘗受書在私塾。手卷吟哦。不妄訾笑。父喜愛之。曰：此喃喃若肩經郎。惜不冠櫛耳。凡書算。鞞結。縫綫。暨蘭桂勺藥之和。不學而精。顧心好篇籍。年十九。歸太翁。資裝中。猶以書篋自隨。太翁少失怙恃。惟祖母楊在頭。皤然矣。太孺人旣廟見。卽躬婦職。大事咨稟。餘不敢煩老人。起居所以調護之者。甚至語太翁君少孤。露非大母。無以至今日。甘旨之奉。寒溫之適。君婦任之。若立身顯名。以揚其親。所以報也。君其圖焉。閨門中講論書。

史若朋友太翁故嗜學由是益自刻勵降年不永得羸疾不起太孺人之蒼黃日夜延醫料湯藥祈禱者萬方矣拊棺一慟幾絕既而泣然曰吾少讀劉向列女傳感息夫人同穴之詩非不欲從吾夫地下藐孤熒熒誰託且棄養不顧使白髮祖姑重見此慘而傷其心爲罪滋大於是強起任事以失所天常私悲悼未嘗敢叫然而哭聲徹重闈也既終祖姑喪家無儋石儲乃挈學博君自新城至錢塘依外家蓋母氏實書速之居閒自課兒夜共一燈且讀且織漏三下未已學博君未就外傳已開淵布筆詞意斐然試卽列庠何宗謂此吾家魏舒也太孺人女兄適汪氏數來

太孺人所曰甥不凡妹當食其報妹母苦願以息爲若婦  
太孺人欣從之結褵後事事學其姑相得歡甚也未幾學  
博君以選拔生高等主青田校奉迎太孺人太孺人則進  
訓之曰祖父兩世讀書不得志今爾幸見頭角卽泉下含  
笑顧此造就人才地昔明山賓屢爲學官元行沖願爲都  
講盡心所職亦足自効勿謂廣文官冷也以故學博君在  
任六年教思甚著乃又不祿猝患喉疾醫不效卒時汪孺  
人長子纔三齡次子景禧尚在腹哀感萬狀太孺人泣且  
言曰嗟乎叢蘭欲茂秋風敗之爾不幸與吾同命然古來  
烈婦貞女遭際多如此吾安之知爾亦安之天道茫昧怨

尤無爲立節撫孤吾與爾盡所當爲而已學博名爲官身  
後貧如故新城室已他售仍來杭僦居江干汪孺人勤操  
作太孺人則如韋逞母親授經姑媳在一樓鄰人稀見其  
面茹苦食淡如是者十餘年卒成其孤爲聞人大孺人終  
年七十汪孺人亦不久謝世蓋彼此心力盡矣宜景禧追  
述之有餘痛也嘉慶七年有司具太孺人節行請於朝  
已得旌汪孺人則有待學標辱以年家子知太孺人賢甚  
悉又感景禧之意爲敘而傳之

識見志節俱從能讀書來此一篇大關目文情跌宕頓

挫神與古會

鮑薇庵

靜海烈女傳

乾隆四十八年間事

烈女不知姓。知爲直隸靜海人。八歲爲樂陵娼某媼鬻得。見其有姿首。如獲錢樹子。爲盛妝飾。教之歌。習琵琶。花十八。女不知事。從同輩學。比漸長。覺媼非良家。意不善。數辭病。不見人。夜私泣。謂身落火坑。不得脫。異日不仁。死所被盡溼。媼不知也。會有貴客。再三召出侍酒。不出。媼怒云。吾白叅汝何爲女。應曰。亦爲竈下婢耳。媼益怒。促衆前曳之。曰。百二十箇蟻螂推一屎塊。不動耶。女兩手握柱。卒不行。自是媼日加箠楚。衆復懲之。乃深穴一坎。謂不從。立埋汝。冀恐嚇女。女不顧。轉用言抵媼。媼毆之仆地。曳至坎所。女

大○呼○羣○婢○無○禮○逼○人○爲○娼○白○日○活○埋○人○媪○布○塞○其○口○喝○亂  
士○掩○之○女○氣○閉○手○足○四○五○動○須○臾○死○後○數○日○媪○暴○死○咸○曰  
女○之○爲○噫○異○哉○

論○曰○郁○烈○之○芳○出○於○委○灰○豈○問○所○自○哉○女○甘○坑○死○不○欲○以  
其○身○轉○坑○害○人○烈○哉○其○志○也○媪○旋○死○女○至○今○如○未○死○云  
一○管○筆○寫○得○令○人○怒○又○令○人○悲

柳洲

陳振英事述

余修本邑志。適四都民陳守先。以刀割胷。出肝寸許。療親疾。里人嘉其孝。爲求入志。以例所禁。未許。終以爲難。見之雜記中。比來甌歸安陳君菊泉。席間述其宗人振英事。與守先同。親有疾。計無復之。至於割胷。死生不顧。誠不免愚而非愚。亦無此至性之激發。彼其出於天者。無所強也。幸而不死。固天全之。就死。心安而豈有悔耶。或曰。肝出無不死。或所出非肝。嘗閱宋濂浦陽人物志。宋淳熙中。療母。剔肝有鍾宅。其後復有金智深。是已累見於古人事。固有不可以常理論者。韓昌黎論割股以爲誠。如鄆人者。非



之。然與親病。不嘗藥者。有間。則終許之。菊泉又言。振英兄弟。貧。藉薪蒸養其親。親老。苦四支不仁。起動皆其兄弟扶掖。遇歲朔。被服納坐竹輿中。共舁至親族家。以博歡笑。厥後。振英以己爲廢人。不婚。而爲弟娶婦。續宗祀。其至性過人。非但割肝一事也。

立論平允。至性所發一段。尤勸得透。

劉燮堂

鶴泉文鈔續選卷七

太平戚學標鶴泉著

安肅張煥柳洲評

皇清誥授朝議大夫巡視天津濟寧漕務掌戶科給事中  
誥贈通奉大夫陝西布政使溫公墓表

公諱常綬字印侯號少華姓溫氏先世自山西洪洞徙居  
太谷之敦坊都累葉厚德距城二十餘里有溫家道卽公  
高祖州佐公所修祖父皆有名爵至公更由科第以文學  
政事顯聞天下公天姿純懿生平不妄言語事親孝兄弟  
白首友愛交遊間重其信其學有體有用得之牛運震先

牛。牛。故。晉。陽。名。儒。也。公。於。書。無。不。讀。有。得。輒。疏。記。自。爲。諸。生。至。顯。秩。手。一。編。不。倦。於。經。自。尙。書。考。工。記。春。秋。三。傳。書。自。論。語。孟。子。詩。自。杜。少。陵。李。義。山。並。有。箋。註。論。說。在。翰。林。時。同。館。博。核。咸。推。公。典。試。浙。江。所。得。士。類。實。學。督。學。陝。甘。尤。多。所。成。就。關。隴。士。知。讀。經。史。明。聲。律。之。學。由。公。始。回。民。之。隸。學。者。並。感。服。稱。爲。山。西。夫。子。旣。由。翰。林。改。御。史。陞。給。事。漸。向。用。謂。此。吾。學。自。見。之。日。益。留。心。古。經。濟。壬。子。歲。直。隸。天。津。河。間。等。府。災。饑。民。就。食。京。師。設。十。廠。日。計。賑。數。萬。人。城。外。復。設。五。廠。趨。食。者。踵。至。不。斷。時。公。巡。視。中。城。謂。國。家。施。恩。貧。民。至。矣。口。衆。難。遍。給。多。人。不。能。無。生。得。失。於。

國重費。今保定天津河間順德廣平大名等府屬俱有應  
修城垣工。可代賑也。或以年不順成。土功不興。難之。公曰。  
政有通變。此法宋范仲淹行之於兩浙。朱子嘗效之。今日  
策無善於此者。疏請於

朝得

旨允行。省費巨萬。而京南民無流徙之患。會有巨奸爲民  
蠹。公白。梃懲之。不少貸。在職不避嫌怨。畿路肅清。私聞人  
語云。昔人謂膽落於溫。御史今復然矣。漕務號難理。糧艘  
又數逾期。易獲譴。公奉

命視天津兼濟寧漕。明察難欺。似劉晏。征調催趲。有法似

范旻其持大體恤丁弁張士遜不能過弊清而事集帮船抵通較往歲爲速先公膺督學之

命陞辭

天語褒獎有汝人明白誠實用汝尙不止此之

諭至是

皇上益器公能將重

委任而公以勤於職途次得疾回津門遂篤公卒時惟子郎中君承志及三子承思在側長子布政君承惠備兵陝右勦禦方急墨經留軍中謹按禮大夫士旣卒哭弁經帶金革之事無辟也春秋襄十九年八月經書仲孫蔑卒次

年○正○月○卽○書○仲○孫○速○會○莒○人○盟○於○向○秋○帥○師○伐○邾○曾○子○稱○  
孟○莊○子○之○孝○國○事○重○義○不○得○顧○家○况○公○垂○歿○時○諄○諄○諭○郎○  
中○君○寄○信○布○政○君○以○父○子○兄○弟○世○受○

恩○勉○力○

王○事○公○爾○忘○私○古○之○訓○也○吾○之○志○也○豈○以○能○匍○匐○千○里○拊○  
棺○一○哭○爲○孝○哉○布○政○君○承○遺○命○悚○然○益○感○奮○崎○嶇○關○陝○前○  
後○八○年○卒○平○賊○得○

旨○由○陝○西○布○政○使○司○調○河○南○布○政○使○司○乃○入○

覲○陳○情○乞○假○營○葬○以○嘉○慶○九○年○二○月○某○日○奉○公○柩○與○母○蘇○  
太○夫○人○杜○太○夫○人○合○葬○於○邑○白○城○鄉○之○原○布○政○君○於○

崔身乃金龜先生  
國爲忠於家爲孝而皆本公之貽謀垂訓公享年六十五  
與

高宗純皇帝千叟宴今又奉

旨祭葬遠近集觀聞者感嘆可不謂生榮死哀也與凡公  
生平歷官先後祖父名字及子姓之昌熾與夫生卒年月  
詳具家傳并戴尙書所爲公墓誌銘不復書書其學問事  
業之大卓然可傳於天下後世者過公墓者覽於斯表庶  
有以知公不朽云

全是經學史學真實本領力量深厚卽韓歐當避席  
梁  
山舟先生

誥授資政大夫翰林院侍講前福建巡撫李公偕配邊夫  
人合葬墓誌銘

代

故侍講李公。以今年壬申六月歿於京邸。

天子爲震悼。遠近聞之。爲國家惜。而某以門下士。乞假在  
家。道遠聞信遲。不得効古人撫棺之哭。記數年前。公自福  
建巡撫

召還。某謁見維揚。哀公勞心國事。鬢鬚盡白。又喜公杖履  
春風。歡笑如舊。方謂優游

禁近。文章報國。此後當有數十年。某猶得以白髮門生。從  
容侍讌。顧不久捐館舍。嗚呼。太山旣頽。吾將安仰。白雲在



天龍門不見承公子轍通等千里屬銘把筆涕零不知袂之俱溼也按狀公諱殿圖字桓符號石臞又號露桐居士始祖自明永樂間由山右遷高陽之龐口里十世祖諱儼以進士起家至參政入

本朝簪纓尤盛兩代爲宰輔公世家子天質尤異承父平鄉教諭月川公教自爲童子已下筆有根柢聲儻一黌乾隆乙酉選拔入成均鄉會連捷入詞館以乙酉丙戌與文勤公適符宗人私語六十年間吾家再有一太平宰相也在翰林累進呈詞賦與脩

國史充順天鄉試會試同考官各一出典河南試旣改廣

西道監察御史。卽以本銜視學廣西。己亥丁內艱。辛丑服除。補山東道監察御史。甲辰轉禮科給事中。公先以文字受

主知。及居言職。所陳奏動關

國體。乘薄輦車。巡畿市。羣不逞斂迹。奸商大賈。不敢爲羔羊息病民。由是

上能公。將任以地方事。值甘肅逆回之變。

命閣部公阿桂。尚書男福康安往勦

特簡公辦理軍站糧餉等事。受

詔星行。赴軍。日夜數百里。危崖絕澗。間風雨暴至。天暝鳥

獸草木皆作怪音。從者相視無人色。請緩程。公不可。時逆首田五已擒。同人死者無算。身於亂屍中行。血肉滿地。公謂若輩無知于天誅。然心惻然憫之。到卽補鞏秦階道軍府。以所俘囚皆逆黨。將盡戮之。公請曰。應戮者獨不法。回耳。其中脅從亦皆有內地良民。不可使玉石無辨。且非所以仰體。

皇上好生之仁。請以數萬人委某。破兩月功。審錄誠一一當罪。決不敢寬法市恩。由是全活盡多。聞屬內有餘孽未靖。伏羌又新近遭焚劫。民間驚恐。譎言屢至。親從數十人。按行自通渭次藺家店。命馬夫預報城中云。我已來。毋懼。

也。既至首查被難家。書門榜二十餘通。旌婦女之罵賊不  
屈者。夜宿關外。鈴柝不聞。人心以定。官川民十六人。先被  
擄。從賊後逃歸。公謂與始終從賊者有間。其身既誅。妻孥  
當原之。因得免坐。每以甘涼之地。羌民雜居。羌人滋事。民  
爲所誘。致良民數被害。撫邊之道。當恩威並行。不可瑣碎  
而使之擾。見小而使之輕。反覆而使之不信。制府深然之。  
一切善後事宜。惟公言是行。在甘數年。添建洮州城水門。  
以防白河之衝。命俄合生番。素所信服者。查還搶掠洮州  
土司牲畜。丁未辦闔省災賑。戶冊皆親稽。吏不得有所輕  
重。至一處有男婦數百人。夜炬火遮擁馬前。公駭問。乃前

所釋官川黑莊從逆逃回之家屬也。就取壺漿爲一啜而  
去。戊申卓薦入都引。

見回甘攝泉篆。一月間清積案數千。仍回本道任。回民馬  
應龍等謀逆。誅其首惡。餘悉解散。岷州產紫黃羔皮。向例  
官取價多輕。百姓苦賠繳。刊示禁之。其地東山一泉。若有  
神踞。數下冷子傷禾稼。爲文祭之。經年無雹患。辛亥復膺  
薦入。

覲奏對良久。

天顏喜悅。每聞稱是。并

御手作圈狀。給假祭掃一月。以甘省重地。事畢卽

陞辭會卓泥土司與四川松番漳臘各番族爭噶固山界。公親從卓泥城歷小洮河丈八嶺鶯哥口往勘命老番前導一路詢問得其要領至所爭界一言立定爲立石達魚山爲界各棄械聽從由德信素爲番人所服非一時兵威能遽脅也。自戊申至甲寅凡三登薦剡。

上益熟公問爾去翰林久尚能文乎公對臣才拙在外恐誤事誠不暇此勉爲之未必如前。

上喜其朴誠陞授福建按察使。

召見勤政殿。

諭以閩省吏治大壞爾須往整頓。

旨意敦迫。不敢久稽。行抵清江。聞閩中自大僚至州縣。竝獲罪。逮繫者至七十餘人。督撫司道皆新換人。地方事多棘手。塵案纍纍。滿屋皆州縣葦方笥也。公設局清釐。逐件參詳。嘗五鼓而起。日稷不暇食。然後亂絲悉理。瀕海民多械鬪命案。頂兇十常有九。羣小聚會如史稱扁擔社。刺血友者不一。隸卒又爲之。茄鼓其間。顛倒是非。大半皆鄧析子之徒。公先示禁約。重懲其魁。風以漸革。由藩司而巡撫。在閩十年前。後捕獲漳匪顏和尚汀匪李凌魁等。累數百名。彌補倉穀一百二十餘萬石。

今上倚以爲重。已已得。

旨將入

覲聞洋匪有窺臺灣之意。恭請緩期。以洋面藉火攻。附奏  
硝磺取辦鄰省。

天子恐其未諳軍旅。調撫江西。復以奏事遲延。

召還京內用。先是遷京堂官者。需缺經年。公一至。

特旨補中贊。旋自中允。轉翰林侍講。蓋居官聲名好。至老。  
天眷不衰。而公感激。

兩朝知遇。盡於其職。亦未始有內外之間。初公累遇盤錯。  
不自覺勞久。乃曉心力俱瘁。欲謝事未果。患暑症。逾月竟  
不起。生平務實學。經傳多所考據。庚戌奉。



旨查涇渭清濁源流具奏涇水出陝西平涼府鎮原縣卽古原州百泉縣之箕頭山渭水出臨洮渭源縣鳥鼠山至同州入河臨洮古渭州也涇小而渭大涇遠而渭近其清濁交匯則在西安府高陵縣爲圖貼說甚悉辛亥召見

上又面問鞏昌渭水發源向來傳註有無錯誤公奏洎涇渭三水相連禹貢言涇屬渭洎實則涇上屬洎而下注渭非親至不知鳥鼠同穴皆山名謂鳥鼠同穴而處此孔氏之誤也

上首肯再三嘗有番行雜詠一冊辨黑水及西傾因桓是

來諸記於古。時貢道自西。傾之山。由桓浮潛。潛達沔沔。達褒。然後由斜川入渭。言之鑿鑿。每次所取士。兼擇三場之博瞻者。總裁或有所疑。據諸書爲註出之。出公門者。大至侍郎學士九卿。其爲翰林道府。不下二十人。至性孝友。弟幽圖。官敎職。鏡圖成進士。行走吏部。皆公爲之師。在岷署時。數夢與兩弟對奕桐陰。取少陵句作憶弟看雲圖。聞季弟桂林之訃。感慟。鶴原兩目爲腫。配邊氏。任邱學士諱繼祖。女有憎嫫之行。禕隋之節。雖世履豐約。身刷已常。甘糲糶蔬菜之食。生女公子一。側室生子三。徹通龠通濬通。又女三人。尸鳩一德。古人美之。公任封疆。不獲自課。子使皆

肅然成就者。母氏教也。孫一日某。轍通出。公生於乾隆戊午三月。歿於嘉慶壬申六月。年七十有五。夫人年若干。先公四年卒。其孤將以某年月日合葬於本邑新稼村之原。而命某爲銘。昔人謂宋濂傳吳立夫與黃楚望之行。可謂不負其師。某才不逮景濂。又公之文章勳業。亦不以某重。而誼不容以已。謹詮次而系之詞曰。

始公未出。天池鳳凰。及出受事。佐功鷹揚。公之勞勩。懋著於西東南。孔棘又舍公。誰公施者。德人感以情。公恃者信。人服以誠。節清如水。唯帝之知。

恩○重○如○山○惟○

帝○之○施○慰○其○前○勞○鑿○坡○

內○召○補○之○新○銜○春○坊○字○照○書○名○黃○紙○羣○望○所○推○游○神○太○素○  
吁○嗟○我○思○築○室○未○能○種○松○奚○及○視○此○貞○珉○一○言○一○泣○

經○濟○實○寫○學○問○一○層○卽○於○奏○對○水○道○見○之○不○似○庸○手○層○  
層○鋪○敘○前○後○二○段○於○師○弟○情○致○藹○然○  
柳洲

故四川直隸酉陽州知州畢節阮公棠村偕配黃宜  
人合葬墓誌銘

前光山尹阮君文燾。丁內艱後。余見之汴梁。其人恂恂儒  
雅。至性藹然。以成名日。父州牧公不及見。遠宦母宜人又  
未迎養。歿不得視襚。含爲終天之恨。將歸謀葬於其鄉河  
官屯。念所以揚親之善。傳示無窮。莫重於誌石。猝不遇能  
文之士。遇矣。或其言不足爲親重。懷之經年。而以丐之余。  
嘉其孝且意之誠。不忍辭。州牧公諱樹。字德滋。別字棠村。  
籍大定府畢節縣。先明季世襲指揮。累顯武功。水西之變。  
有夫婦死王事者。卽公五世祖。所稱貴陽忠孝家也。大父

興祖易代後。失衛職。乃轉業文。有聲膠庠。考維城繼之。領  
康熙庚子解甲。辰成進士。觀政刑部。時府縣新立。向學者  
苦無師。公父從江南李先生岱雲遊。多市書歸里。日夜攻  
苦成名儒。爲一邑倡。年未三十卒。公生甫五月。母李宜人  
旋又謝世。鬻於太母艾宜人。所稍長。就傅。諸父憐愛。頗不  
欲督責。顧自少勵志。指父所遺書曰。不讀。存此奚爲。耶。遊  
庠數歲。卽與季父維謹。受知學使歐公。一時同選拔。鄉里  
爲美談。用直隸州州判職。分發四川。仕至酉陽直隸州知  
州。在川三十年。前後佐州郡治。四曰天全州。曰瀘州。曰敘  
州。曰成都府。攝州郡治。二曰龍安。曰簡州。所治縣除雅安。

實授外。曰彭門。曰新繁。曰納溪。曰昭化。曰南溪。曰江津。簡州得代後。又一攝大竹。諸所至。暫未盡其施。惟雅安五載。得展布。興修旅平堰。改鐵索橋。爲利農商。置廣仁堂。活病人。獄清少事。則詣邑崇文書院。以先世所得於李先生者。爲諸生講授。遠近喁喁慕學。其後在成都治都江堰數讞。疑獄於大竹。置生徒橫舍。推此以行。皆雅安之緒餘也。方金曾不靖。

王師進討。制府富由南而西。將軍阿自西而東。雅安兩當。其衝。尺符紛下。夫馬之應。芻糧之供。軍械之備。立時取辦。驛路鈴聲。曉夜不息。公通曉歷練。酬應裕如。軍數過而民

無恐。會西路軍糧不繼。轉檄由雅安運送。公以經大水後。請先發道忤上官意。奪職留縣督修。民間之爭來治道。道平運速。軍更得大濟。既開復。侍郎杜公特遴公勾當軍需。雅安父老臥轍。留不得也。公撫雅安以寬治。大竹復以嚴。其地多弼頭虎子。爲民害。非痛懲不知懼。鋤暴除兇。不避嫌怨。略與在彭門。同終任。嚙匪不敢肆。嘗謂爲治之道。在因人因地寬猛之用。隨時應之。豈一定乎。在大竹以過勞得疾。奉嚴檄促之。西陽任行抵差。次而卒。壽五十四。其生以雍正七年閏七月二十五日。卒則乾隆四十七年正月初三日也。生平樸實。無他嗜。惟喜書史。父子兩世。購貯盈。



萬卷聽士人從家檢閱。質問疑義。所識拔。如孝廉王萬年。寶年。吳雲嵩。明經盧堂。輩皆知名士。在雅安時。有裨帥忽執門生禮。見其人。彭門人。卽公十六年前宥其罪而曲成之者。非其自陳。卽公忘之矣。配黃宜人。同縣拔貢生陽曲縣丞某女。婉嫵有志操。歸時不獲見舅姑。獨祖老姑在堂。宜人。以公幼所從鞠養。加孝敬。病亟。日夜扶伺。稱藥量水。甚至爲嘗惡。有人情所不堪者。隨任常練裙粗服。馭下寬。未嘗大聲叱奴子。不與外事。惟公出代課兒。他子弟就學者。待之如一。公嘗有嫁。舊同官二女。事衣飾奩具。悉宜人。所手經理也。諸子中。光山君先貴。旣官。河南宜人。自家書。

來○曰○若○讀○書○登○甲○科○能○不○愧○於○其○祖○做○官○爲○循○吏○宜○不○愧○  
於○其○父○我○從○若○父○在○蜀○見○若○父○鞠○獄○未○得○情○漏○夜○默○思○至○  
三○鼓○嘗○委○曲○求○全○人○命○不○得○爲○不○怡○累○日○冀○若○操○心○如○此○  
樞○榘○擗○指○可○無○枉○卽○我○在○家○心○旻○一○坵○鮮○遺○孝○之○末○者○耳○  
又○曰○我○健○在○有○季○能○奉○我○勉○循○若○職○毋○徒○遙○望○白○雲○也○以○  
故○光○山○君○始○終○不○敢○言○板○輿○迎○嘉○慶○十○一○年○九○月○訃○至○光○  
山○君○悔○恨○無○及○蓋○宜○人○年○七○十○八○神○明○不○衰○偶○於○六○月○感○  
暑○疾○廿○八○日○卒○與○州○牧○公○同○歲○俱○生○雍○正○已○酉○遲○公○一○月○  
其○在○廿○五○日○又○同○也○四○子○俱○宜○人○出○長○文○奐○附○貢○生○候○選○  
州○同○次○文○焜○殤○次○文○燾○庚○戌○進○士○歷○官○河○南○上○蔡○汝○陽○光○

山縣候補知州次文燮。戊午舉人。揀選知縣。女三人婚配。皆名族。州牧公之歿也。雅安大竹思其德。爭請入名宦祠。以故其鄉。袞觀察王公。正常願以女孫爲光山君子婦。猶前好也。又與黃世朱陳。余同官。辛酉翰林。改授湯陰。知縣。士觀卽光山君內弟。於宜人爲子行。凡公生平。歷官政績。及宜人懿行。先已聞之。乃更於光山君得其詳。因就所狀。詮次而系之。辭以應光山君之請。其葬地而不日。則光山君在豫。預爲之。誼吉有待也。銘曰。

籍咸之裔。散處淮徐。佐戎入黔。世職是居。代有忠孝。益光門閭。棨戟之家。變而詩書。州牧英英。爲時魁傑。彥承有女。

克贊諸葛生既同心死亦同穴後人思賢視此銘碣

分敘總敘串敘帶敘處處有法又於閒處點綴見事外  
遠致 楊蓉裳

國子助教茗香宋君墓誌銘

宋君茗香死十餘年矣。有言其死時甚異者。訊之徐君厚田云。茗香自解官。終奉其親。卽藤杖草笠。窮探天台雁宕。黃山。所至常數月。畱歸亦不恒在家。於西湖僦屋數椽。隨意遊適。興至則吟。隨身一老僕。藥爐茗椀。外無有也。嘉慶甲子四月初五日。無疾卒於湖上。先日語僕。吾且將去矣。僕謂將旋里。又見夜整所閱書。手燭啟戶。視米囊花者。再不爲意。迨曙。則氣息奄然矣。歡容如常時。鼻玉筍垂寸許。逾月有人遇之孤山側。又有鄰人病亟。恍惚至一處。殿宇甚嚴肅。甫入。則茗香在焉。謂若何來此。令速還。旣醒言之。

歷歷茗香其爲仙乎爲神乎甚矣其異也夫吾於茗香異  
之久矣茗香精壬遁推步嘗夜觀星言某郡當水某防某  
時有兵又自京書寓家曰明歲家防火產爲破屆期驗若  
左券皆世所稀見然茗香非方術技能之士也其學本四  
子書反覆耽玩而得其旨趣非聖之言戒勿道教內外舍  
生不以文先行恂恂乎有道儒者爲詩善言性情初亦爲  
流連光景之詞後乃一切掃去自十九首上推三百篇溫  
厚和平有古風人之遺意家居孝養厥父母母陳太恭人  
病終夜扶亦睫不交向空叩頭三百下求以身代其心急  
急一官亦爲加級請四品封榮祖父兩世地撫亡弟之子

如子教之有成。恩意備至。則孝子賢兄也。以所餘貲濟人。往往還貧者。券不責償。歲祲爲粥。食飢人。患地屢災。多爲救火具。爲善汲汲。若不足。則仁人君子也。任京職不久。卽告歸。恣爲世外之游。不復踏軟紅塵土。有勸再出者。笑不應。古之高士。何以加焉。凡此皆吾所深異乎。茗香者自古氣質清明。有道德者。物欲盡而天機妙。了然於生死之數。去來之迹。多有能預知者。其精魄不朽而爲神。爲仙亦時有之事。若異儒者。不以爲異。晉書傳葛洪。文苑而略其神仙之術。其意可推矣。茗香少工文。兼能書畫。達琴理。里先生。杭堇圃。目爲小友。亟爲少司寇稼軒錢公所賞。由四庫

館。膽。錄。議。敘。通。判。旋。舉。京。兆。辭。外。任。改。補。國。子。監。誠。心。堂。  
助。教。充。己。西。北。闈。外。簾。官。以。不。樂。仕。進。故。官。止。於。此。卒。年。  
五。十。九。其。生。以。乾。隆。丙。寅。歲。四。月。初。一。日。也。生。平。所。著。有。  
學。古。集。牧。牛。村。外。集。各。四。卷。讀。我。書。塾。課。本。略。八。卷。續。方。  
言。補。正。十。二。卷。詩。論。一。卷。校。定。爾。雅。新。義。十。卷。詩。論。刻。  
知。不。足。齋。叢。書。中。餘。或。刻。或。稿。存。家。先。其。姪。純。熙。以。余。與。  
茗。香。友。善。郵。遺。集。求。爲。敘。茲。長。君。咸。熙。又。以。志。銘。請。蓋。葬。  
有。年。矣。而。墓。石。未。具。因。以。所。知。於。茗。香。者。爲。連。而。綴。之。茗。  
香。名。大。樽。字。左。彝。先。世。商。邱。人。宋。南。渡。時。從。至。杭。元。時。有。  
官。提。領。者。始。定。居。仁。和。之。塘。西。里。曰。廷。宰。號。怡。齋。者。其。曾。



祖也。曰起。鑣號載揚者。其祖也。曰汝濂。號樹年者。其考也。曾祖妣呂氏陳氏。祖妣夏氏妣陳氏。皆封恭人。累世名德。至樹年翁。聲望益大起。而陳太恭人賢能佐之。配施氏克嗣徽音。子二。咸熙乙卯舉人。前任縉雲訓導。時熙杭州府學生。孫男四。學均。福基。厚坤。維垣。曾孫一人。效曾。徐君知江西廣昌縣。其妹壻。例得附書。銘曰。

繫君言行兮。事事可師。人道有常兮。曷以奇爲。警欬若存兮。於夢見之。上天下地。不可以跡兮。悠悠白雲。吾其思。

首尾以異字作綫格變詞醇敘次中兼議論

戴鑑溪

故知思恩縣天台徐君桐山墓志銘

徐君桐山。歿數年而余還里。其孤自天台來謁曰。先子與公鄉郡同。選拔同。出息園齊宗伯門。在都。又交相劇切。知先子無如公。不孝懸墓石以竣公者久。先子而有傳也。其在公一言矣。余曰噫。如君先人。患不傳哉。言又豈有加哉。徐先自信州遷天台。分數派。君爲石塘派。靜齋翁長子。初名公鏞。改秉文。字玉成。號桐山。時署敬亭。傳曾祖穎齋公。學少而有聞。長從諸名宿遊。見聞日拓。爲文力抉突竄。常精思竟日。筆不肯下。數易稿始出。出必勝人。同輩怖其勇。詩學玉溪生。格高采烈。樂府尤爲黃太史葭塘所賞。謂其

精警。老鐵有不逮。漕使管松厓。倣古人摘句圖。盡錄其佳句分校。內府書籍。以精洽見重。當事門下士有名如臨海。黃河清者。非一。退休後。殫心著述。成典學齋五經解。衣德樓詩文集。各若干卷。此君生平之學之可傳者也。甫十齡。喪母。許孺人鞠於祖母金太孺人。所繼母董孺人。鴉鳩之德。均平如一。而君烏烏之情。恒私悲咽。不能已。靜齋翁家法嚴。君自少習苦。既長。有室。猶刻刻懼違教。夫婦上堂。不敢仰視。外出授徒歸。則急趨庭省問。有弟六人。四異出。而好如一。尤矜名節。嘗在曹寶田學博署。對樓婦數挑引。君移室自遠於邑西街頭。以所得修金。成貧婦不嫁之志。

平○日○不○輕○受○人○惠○受○則○耿耿○不○忘○形○之○於○詩○千○里○往○報○贈○  
此○又○君○生○平○之○行○之○可○傳○者○也○年○三○十○貢○太○學○辛○卯○舉○於○  
鄉○充○四○庫○館○謄○錄○乙○未○成○進○士○歸○班○特○簡○武○英○殿○行○走○  
皇○朝○職○貢○書○籤○事○竣○敘○勞○思○以○民○社○自○効○辭○中○書○就○外○任○  
選○廣○西○慶○遠○府○思○恩○知○縣○勤○事○未○一○期○以○杖○府○役○爲○府○公○  
所○銜○撫○前○令○失○獲○拐○逃○案○綴○入○君○論○罷○符○下○而○君○方○與○邑○  
士○營○修○文○廟○勸○義○學○日○集○生○徒○講○文○字○意○陽○陽○然○不○知○也○  
或○爲○君○不○平○君○曰○得○失○何○常○要○歸○足○見○吾○親○耳○抵○家○無○私○  
官○物○出○笥○中○衣○示○人○曰○此○猶○吾○赴○任○時○黃○太○史○所○製○贈○也○  
久○之○祝○釐○京○師○復○原○職○在○韓○城○相○國○坐○相○國○偶○戲○言○官○

非錢不行。君進曰：公爲宰相，此風不能革。耶相國爲動容。留數月，靜齋翁書促令歸，乃慨然誦潘岳閒居賦曰：孝乎惟孝，友于兄弟，斯亦拙者之爲政也。吾茲絕意於寵榮之事矣。此又君生平出處大節之可傳者也。君數得上氣疾。嘉慶四年三月七日卒。距生雍正十三年八月二十六日。得年六十五。靜齋翁與董孺人猶在堂。人謂君目不瞑。然君父母皆享上壽。君亦週甲有餘。諸子及孫俱成立。婚娶。孫又生子一堂五代爲德門盛事。又況於壽命有數而傳者無窮哉。配卽金太孺人。內姪孫女賢能成其夫。子四。長赤書。次祖桐。次祖澗。次泰。赤書泰俱邑諸生。孫十一人。孫

女九人。曾孫四人。婚嫁皆名族。詳具狀。赤書奉母命。以歲八月葬。君下金山祖塋側。而求余銘。乃系之詞曰。黽黽乎其學。而中有得也。純純乎其行。而一無忒也。將有用於時。而卒去以直也。其生無憾。其卒有聞。以爲後世式也。

分段敘次以傳字貫首尾亦墓志正格銘詞尤古茂  
園澄王

李上舍鳴山墓碣

余與天台李上舍交晚而最相得。其人立身行事有本末。喜談書史。皆有益爲人。數得其藥石之言。方謁選北上。上舍在家候。將有所規於余。會改道出甬上。不果見。旣聞余在涉政。餘不廢著述。喜曰。我固知此君非俗吏。余亦遠以詩懷寄比。還里。上舍已謝世。冥漠之中。追念良友。志墓之文。微長君請其容。已乎。上舍名文彪。字炳仲。號鳴山。祖父累世清德。宗爲天台望。自少耽書。明古今。有當世志。厭儒腐局趣。老鄉里。家貧。托賈遊吳越間。因以交四方奇士。每出必倍獲。久之積貲且萬。未嘗用。桑研心計也。常謂此倘

來物耳。天以資我。我卽以濟人。縱不能爲九州之被。何至  
癖若和嶠。視阿堵爲性命。藏鏹滿屋。處處插紫標。俟添丁  
長付之。於是首建宗祠。潤三族。漸推解及鄉黨。道險夷之  
津。阻杭之嬰。失乳哺之尤。汲汲於邑校及郡城社廟之修。  
台多山地。瘠風俗淳樸。無他處侈靡之習。然無大高貲富  
人。卽有斷斷自守。量出入無慨然肯一擲者。獨上舍視義  
所爲。先後費數千金。傾橐無所靳。無一毫市德沽名意。喜  
結納。置驛如鄭莊。車馬出邑郭。西門見者皆知其爲李。上  
舍家客也。願禮問往來。宜稱而已。不過爲翁翁熱。自奉儉  
不異寒素。所居臨赭溪。雜蒔花木。時於其上。手一編坐玩。



邑大夫聞其名。造訪片言。酬應或一往報答。其至縣朝。亦  
歲。僅僅耳。初人疑上舍。豪舉若漢樓護。久乃知恂恂長者。  
行事類俠。其人實儒也。晚歲義聲益著。郡縣交獎。上舍愈  
自重。詩酒外不談時事。子弟承其教。咸讀書。言行謹飭。不  
敢以門素自矜。長君嘗市吾鄉曹姓女。將笄。遣還。擇對。忘  
歸所。市券乃更親攜去。付之不取身價。且哀其貧。無嫁具。  
贈之鏹。可謂是父是子。世濟其德者。已上舍以乾隆七年  
六月廿四日寅時生。與余同歲。其卒以嘉慶十三年九月  
二十九日。則余猶在豫時也。配陳氏。爲能贊成上舍業。生  
子二。長世英。例貢生。次世萼。衛千總。職孫四。國烜。入太學。

國治國賓國鑑俱業儒十七年十月偕配合葬於邑長洋  
許門前橋頭之原光澤李明府爲題阡志銘則有待於余  
而余所不敢辭也因敘而銘之曰  
立名砥行君實有諸非余言之諛君死余無與爲善矣悲  
夫

台多山一段異境忽開從史記貨殖傳來喜結納下則  
汲鄭列傳也自餘波瀾意態亦無處不古

朱雲陸

孝廉地齋洪君墓碣

君姓洪氏名坤煊字載厚一字地齋余同年友嘉善學論名枰號雪蘊仲子於諸昆弟行居七因呼洪七洪世籍臨海自君高祖南沙公起家進士官按察司僉事懋德昌後代有聞人君父學諭君由乾隆乙酉拔貢生

廷試二等選新昌司訓中庚子南榜舉人轉補今職而君亦於己酉歲選拔入成均庚戌

廷試高等不果用次年壬子捷北闈君聰敏強記爲學諭君所器自少常攜侍左右所授經輒能通曉其意不欲以尋常舉子業小就君多市古籍聚一室令朝夕遊覽其中

久之淹貫百氏。下筆著論。常灑灑千言。新昌名士楊君世植。自負其學。暇輒詣學諭君。縱談今古。君從旁出不意。屢屈之。楊駭服。語學諭君仲郎。胎髮未燥。英鋒逼人。如是。他日。充其所得。開門延敵。雖百諸葛景春。當使面縛銜璧。求束手於軍鼓之下。如我輩故。當作趙卒坑之時。君年十四五耳。二十游邑庠。試冠其曹。補博士弟子員。己亥庚子。兩試於杭。俱不利。然學愈進。名亦愈盛。遠近求文者。爭造門。歲丁未。今大中丞石君朱公。視學兩浙。至則聞台臨海。有洪某者。故異才。按郡時。頗欲物色。得君。適君丁母。鄭孺人艱。不及與諸生試。乃命校官強起君。卽堂上具紙筆。試擬。

成公綏嘯賦一篇文一道詩二首中丞大嘆賞命錄所作  
詩古文進益歡然謂得君晚面詢君服幾時闕科試屆選  
拔期吾特爲生緩來令得試生勉之聞者咸謂誠待士異  
數也既貢於京師卽館中丞家搢紳先生知君者交口爲  
延譽國子生千餘人君試輒居首用是深爲司成汪公所  
重秋試時比部何公摸索得君卷謂必南中名士榜發果  
然由是君名益大噪顧不半月而君病病而遂不起矣乾  
隆壬子九月二十二日也君生有至性事親以孝聞又長  
理劇一切家務常代學諭君經畫族人有事多得其主持  
平日學問弟兄一堂自相師友君選拔之日君弟頤煊試

府。庠。第。一。震。燼。入。縣。庠。亦。第。一。從。弟。蒙。燼。以。副。貢。生。錄。科。  
又。第。一。皆。君。手。所。造。就。者。有。才。如。此。而。天。促。之。年。僅。三。十。  
三。而。殂。嗚。呼。何。其。不。幸。與。君。之。卒。在。京。師。打。磨。廠。范。宅。父。  
兄。妻。弟。皆。不。及。訣。又。無。子。加。不。幸。焉。中。丞。方。撫。江。南。其。公。  
子。某。哀。君。旅。殯。爲。釀。金。送。柩。歸。余。亦。走。酌。之。沙。河。門。外。今。  
年。學。諭。君。書。來。謝。并。郵。君。詩。文。一。冊。委。點。定。且。重。以。墓。碣。  
文。相。托。余。以。如。君。者。誠。不。可。使。無。聞。於。後。非。獨。學。諭。君。之。  
意。爲。不。容。以。不。文。辭。也。旣。刪。存。其。遺。稿。稍。次。君。生。平。文。行。  
大。略。而。爲。之。銘。有。未。盡。者。竝。見。其。弟。頤。燼。所。爲。狀。銘。曰。  
緊。誰。無。才。難。其。奇。虎。氣。騰。上。孰。遏。之。忽。從。鬼。伯。驂。豹。狸。塵。

之。世。兮。非。我。居。禍。福。欣。戚。纒。須。臾。造。化。弄。人。眞。兒。嬉。文。章。  
埋。土。無。所。施。宵。化。異。物。光。陸。離。

從名流駭服學使破格顯出少年異才筆墨異樣飛舞  
君父學諭及君選拔之日二段搭敘總挈數行如一筆  
書尤見古力宜蘭泉王先生嘆爲今日韓愈也

及湘芷

劉文學恪亭墓碣

文學氏劉諱麟。字楚璧。號恪亭。先世自江南徙林慮。祖  
候補訓導諱于宣。以文行顯。父勅。號毅庵。名德重鄉里。有  
子六人。君其季也。自幼秀出。比長。美鬚眉。長身鶴立。望而  
知爲偉人。嗜經書。嘗獨居古廟。四壁枯冷。一燈熒然相對。  
咿唔至夜半。舅氏李多。挿架書。隨四兄往讀。日盡一寸。兼  
搜得枕中秘。見聞益富。以古人左圖右史。凡名物象數。非  
圖莫攷。每經傳爲之圖。於易有先後天圖。於書有禹貢圖。  
洪範五行圖。於禮有彝鼎圖。車制圖。深衣圖。宮室圖。於詩  
有草木鳥獸圖。春秋有古今地勢圖。考校精洽。各附已論。



而折衷之。又以讀書先識字。庸俗詭更正文。鄉壁虛造。猥云馬頭人爲長。人持十爲斗。見行韻書。悉宗平水。渺識孫陸二百六部。於是據說文正字體。述廣韻辨字音。而性命之學。尤得力。宋四子爲文。深博古奧。義理粹如也。數與同輩談。同輩傾聽。皆奉爲都講。遠近多負笈從。不較修脯。傾心爲疏解。以科名有數。不能爲媚俗之作。改途詭獲。中年罷舉。而經君口嚙者。往往竊餘論。取科第。門日以衆。居平敦實行。兄弟一門。自相師友。懽懽之愛。雖老不間。子弟貧者。出舌耕所得贍給。長兄子畹。將婚無室。推宅以與。而自儆他屋居。隣族藉舉火者。不一人。君故無中人產。又以義

疎財。用是數困。安陽閻君慕君爲人。欲以私鏹代經營。置田。君謝之。私語人曰。梁伯鸞不因人熱也。自少至老。無過舉。未嘗少失色於人。道旁遇者。皆敬讓避君。嘉慶丙辰。詔州縣辟孝廉方正。有司擬以君應。長君旬自都中奉書勸君曰。此四字豈易副。且吾老矣。尙欲走馬應。不求闕達科乎。蓋君務實學。不貌榮名如此。素強健。善飯。壬戌秋。偶患上氣疾。會仲子婦溘喪。德配楊孺人哀媳之過。亦謝世。疊遭家故。邑邑遂不起。先君母李太孺人。端淑嚴明。事事槩則。楊孺人懿德克嗣。其家少長。動止無輕脫。陝輸者。人以君門庭整肅。比漢萬石。卽其閨行。徽美相繼。亦如桓少君。

之述先姑丁子婦之讚大家也君生於乾隆辛酉十一月十三日長孺人五歲卒於嘉慶壬戌九月廿六日後孺人一歲一壽六十二一壽五十有七並可健在受長君祿養而限於數惜哉子二長旬乾隆己酉舉人大挑一等分發江西試用知縣娶王氏明末殉節諱深澤公元孫女次畫邑博士弟子員娶常氏候選縣丞諱福公次女旬二子德齡長齡畫生子吉齡德齡生子桐岡于君爲曾孫長君將以甲子年月日奉君夫婦柩葬於邑東之鳳寶臺前以狀丐余銘余獲交長君謹次君學行而系之詞曰綦之水兮流湯湯有伊人兮黃華之陽硯以爲田兮詩書

爲糧。伯鸞清高兮。配者孟光。潛德必耀兮。流慶長敬。仰君  
兮。如太行。

最愛於易一段一氣運掉有大力後幅敘生卒年壽隨  
手生變耳目一新

陳扶雅

張母沈太孺人墓誌銘

太孺人沈氏。故內府中書科中書贈通判武安東園張君之繼配。先世出江南。明正德間。其遠祖祖楫。官青陽教諭。始占籍魏縣。爲直隸人。父煒。由拔貢生。任丹陵知縣。陞知簡州直隸州知州。太孺人自少。簡州最鍾愛。經書皆口授。資性淑婉。雖生貴家。於浮華無好也。年及笄。簡州爲擇配。會東園君虛中饋。兩家地望相埒。又交相慕也。遂以歸焉。東園君先娶於冀。亦直隸人。有賢行。事姑劉至孝。劉老患癰疾。起動必親扶。中厠廁。恒自浣滌。其持家井井有法。太孺人至。秉禮守度。一如其舊。姑病日瘳。太孺人事之亦

加瘁。長君應鈞冀出。太孺人常親保抱。比自連舉子。其筮  
亦有出。無大小一視。以長君少孤露。每物擇佳美者與之。  
而以餘與己所出。及側室子。以故尤得東園君心。長君旣  
讀書入仕。佐永平府治地。有行稅苦累民。至數破產。欲革  
除。先以啟東園君。太孺人閱書曰。此大佳事。力贊論。長君  
行之。永平人誦長君德。不知實出其父母交勉之力。東園  
君澹於宦。任京秩未久。假歸養親。長君亦憚繁劇。稍從永  
平遷京府通判。卽歸。不復出。東園君謝世。一切內政。太孺  
人身任外事。委之長君。母子一心。上下整肅。僕婢數十指。  
無敢或叫喚者。課子女甚嚴。每夜誦讀聲。與刀尺聲常漏。

下四鼓不斷也。太孺人始來時，貲從不下七駄物。簡州故後家中落，念母不置。長君體其意，敦請迎養，遂由魏縣奉外祖母至武安，舍于屋西隅。早晚得起居，外祖母壽至九十一歲卒。棺衾之事，無不倍常。沈氏有志欽者，太孺人猶子也。貧失學，長君招與諸弟同讀。太孺人曰：戚舊多，其母乃謂吾重私外族乎？長君曰：是有資器，可望成果。成母氏爲有人，卽吾張氏與榮焉。力資助之，志欽旋入泮。由己酉科拔貢生。本省鄉試中式舉人。又有孤女，長君并勸太孺人撫嫁之，所謂母子一心率如此。張氏於是乎世有隱德矣。太孺人年七十餘，目猶朗朗，燈下能視書。以今年某月

偶患疾。遂不起。遺命婢女年十五以上。爲擇對。勿利重資。鬻爲人妾。子孫不得養優伶。及開煤窰。損人墳墓。弟兄析居。當相親如一。其神明有至死不亂者。子六人。自應鈞而下。太孺人出者三。應樞。候選直隸州州同。應田。太學生。應曾。戊午科舉人。餘應珂。應璧。側室侯氏出。孫男以十計。女並適名族。武安距涉近。余歲嘗至。獲與長君交。其仲子曰璽。又余友楊君壻。得悉張氏家世。及太孺人之賢。長君將以今年十月奉太孺人。與東園君冀。太孺人合葬於東門外。東坳祖塋。而以銘請。不敢以辭。因就而次之。銘曰。繫維賢母。隱侯之裔。是母是子。心豈有二。鬱鬱佳城。神曰。



以賜永安于茲。銘俾勿墜。

亦是尋常挨序法。筆墨間自饒一種韻致。

丁雙湖